

S : Sepatutnya akidah dijaga dengan ilmu dan amal soleh. Sekiranya pendidikan Islam berlaku dengan betul, bukankah tidak akan berlaku salah faham jika agama lain hendak menggunakan kalimah 'Allah' sekalipun ? Yang penting adalah berdakwah dan mengajak kepada Islam dan kebaikan.

J : Hal ini tidak berkaitan masalah kekeliruan sahaja. Hal ini juga masalah falsafah dan maqasid yang ada di sebalik kalimah Allah. Syariat Islam turun dan memurnikan kalimah 'Allah' itu selama 1400 tahun. Maka umat Islam hendak membiarkan kalimah itu tercemar? Dakwah dan pendidikan memanglah aspek yang penting tetapi usaha mencegah atau preventif juga ada kepentingan tersendiri. Kesemua inisiatif tersebut hendaklah dibuat. Perintah Allah bukan terhenti setakat suruhan menuntut ilmu. Perintah Allah termasuklah melaksanakan Islam dalam segenap aspek kehidupan dan perundungan yang ada di dalamnya konsep 'al-amr bil ma'ruf wa nahi an al munkar'. Inilah aspek preventif dalam Islam.

S : Bukankah dengan keizinan penggunaan kalimah 'Allah' kepada penganut Kristian di Malaysia akan menyebabkan mereka akan lebih mudah memahami Islam dan kita boleh mengambil peluang ini untuk berdakwah kepada mereka ?

J : Dalam kebanyakan hal, apa yang difahami adalah gereja merujuk hal urusan keagamaan mereka di dalam Bible berbahasa Inggeris. Istilah yang digunakan adalah 'God' untuk merujuk kepada Tuhan. Kalimah 'Allah' ini sebaliknya hendak digunakan di dalam percetakan bahasa Melayu. Jadi untuk siapa percetakan ini hendak ditujukan? Telah diketahui bahawa Bible juga terdapat di dalam bahasa lain termasuklah Arab, Cina, Jawa, Inggeris, Melayu dan lain-lain. Di dalam Bible berbahasa Cina istilah Tuhan diganti dengan 'Shen', Bible di dalam Bahasa Inggeris menggunakan istilah 'God', tidakkah perkataan yang setara di dalam bahasa Melayu adalah 'Tuhan'? Jadi untuk apa menggunakan nama Allah?

S : Terima kasih. Saya kini telah faham perkara sebenar di sebalik isu ini. Apa yang boleh saya lakukan untuk membantu mempertahankan hak penggunaan kalimah Allah ini ? Bagaimana jika saya ada soalan-soalan lain ?

J : Sama-sama. PEMBELA menjemput tuan-tuan untuk menandatangani petisyen online yang tertera alamatnya di bawah. Sebarkan juga maklumat ini kepada umum. Mari tunjukkan kepada pihak-pihak yang mahu mencabar Islam semangat kita dalam mempertahankan perkara Hak. Untuk soalan / maklumat lanjut lain, sila layari laman web berikut : <http://membelaislam.wordpress.com/>

Orang-orang Yahudi dan Nasrani tidak sekali-kali akan bersetuju atau suka kepadamu (wahai Muhammad) sehingga engkau menurut agama mereka (yang telah terpesong itu). Katakanlah (kepada mereka): "Sesungguhnya petunjuk Allah (agama Islam itulah petunjuk yang benar". Dan demi sesungguhnya jika engkau menurut kehendak hawa nafsu mereka sesudah datangnya (wahyu yang memberi) pengetahuan kepadamu (tentang kebenaran), maka tiadalah engkau akan peroleh dari Allah (sesuatu pun) yang dapat mengawal dan memberi pertolongan kepada mu. (al-Baqarah:120)

Perjalanan ummah masih jauh dan panjang ...
Marilah bersatu dalam mempertahankan hak penggunaan nama Allah ini untuk agama Islam sahaja. Demi masa depan akidah anak cucu kita di masa hadapan ...

PERTAHANKAN HAK PENGUNAAN KALIMAH ALLAH

PEMBELA menjawab
kekeliruan ummah



Pertubuhan-Pertubuhan Pembela Islam (PEMBELA) pada ketika ini melibatkan usahasama 46 NGO-NGO Islam seluruh Malaysia. Inisiatif PEMBELA terjalin seawal tahun 2006 apabila PEMBELA menjadi barisan depan menyatupadukan umat Islam dalam kes Lina Joy bagi mempertahankan hak Islam yang telah termaktub dalam perlembagaan negara, yang cuba dicabar oleh pihak-pihak tertentu.